

**Cofnodion Pwyllgor Clwb Mynydda Cymru a gynhaliwyd ar nos Lun, 13eg Hydref 2014 y Ystafell Gwynant, Plas y Brenin, Capel Curig**

**Presennol:** Rhys (RD) – Cadeirydd, Iolo (IPR), Eryl (EO), Richard (RR), Gareth (GR), Sian (SS)

**Ymddiheuriadau:** Anita, Dewi, Mark, Iolo (ap Gwyn), John, Sioned

<b>1.</b>	<p><b><u>COFNODION</u></b> Derbyniwyd cofnodion y cyfarfod a gynhaliwyd ar y 26ain o Ebrill, 2014 fel rhai cywir.</p> <p>Materion yn codi</p> <p><u>Gwefan y Clwb</u></p> <p>Cytunwyd y byddai EO yn cael gair hefo IaG ynglyn a dileu cynnwys y dudalen newyddion ar ol cyfnod priodol o dyweder 2-3 mis</p> <p>Byddai RD yn galw hefo Cwmni Brodwaith ym Mhentrefoelas i weld os yn bosib iddynt greu bathodynau brethyn/sticeri ceir ar gyfer y clwb</p>
<b>2</b>	<p><b><u>EISTEDDFOD GENEDLAETHOL 2014</u></b></p> <p>Cafwyd adborth ynglyn a'r ddarlith a gynhaliwyd yn yr Eisteddfod Genedlaethol yn Llanelli ym mis Awst eleni. Adroddwyd</p> <ul style="list-style-type: none"><li>• Mai Arwel Meical oedd yn traddodi'r ddarlith ar "Cymraeg mynyddoedd Sir Gar/y Bannau" yn dathlu enwau Cymraeg cyfoethog yn y babell Cymdeithasau</li><li>• Roedd yna lu o broblemau ymarferol wedi codi o safbwynt cynnal y ddarlith gyda'r digwyddiad blaenorol yn hwyr yn gorffen, dim amser i osod offer yn cael ei ganiatau a'r amharu fu cyn y diwedd gan y stiwradaid. Roedd wedi bod yn brofiad anymunol</li></ul> <p>Cytunwyd</p> <ol style="list-style-type: none"><li>1. Y byddai RD yn ysgrifennu at drefnwyr yr eisteddfod i son am y problemau a gafwyd ac yn eu annog i gymryd camau i sicrhau na fyddai rhywbeth cyffelyb yn digwydd eto</li><li>2. Dylid gyrru copi o'r llythyr i Arwel Meical a Dyfir Gwent</li><li>3. Dylid ystyried cael Arwel Meical yn ol i draddodi ei ddarlith yn ystod cyfarfod blynyddol neu noson gymdeithasol dan ofalaeth y clwb</li><li>4. Byddai angen ystyried trefniadau ar gyfer y ddarlith yn Eisteddfod 2015 ym Meifod yn y cyfarfod o'r pwyllgor ym mis Ionawr</li></ol>
<b>3</b>	<p><b><u>Mynyddoedd Pawb</u></b></p> <p>Cafwyd diweddariad gan EO ar y cynydd gyda'r prosiect</p> <p>Adroddwyd</p> <ul style="list-style-type: none"><li>• Roedd y pwyllgor wedi awdurdodi taliad o £275 (roedd CMP, Plas Menai a Phlas y Brenin hefyd wedi rhoi yr un swm) i alluogi y prosiect gael arian 'punt am bunt' i fedru cael grant i fwrw ymlaen â'r cynllun.</li><li>• Bod Menter Iaith Conwy yn rhoi cefnogaeth weinyddol i'r ymgyrch ac yn gobeithio datblygu gwefan fydd yn rhoi gwybodaeth am enwau, hanes, cefndir enwau mynyddoedd ac ati. Roedd yna fwriad i ddarparu AP ar gyfer ffonau hefyd fyddai'n sicrhau bod gwybodaeth ar gael yn y fan a'r lle ar y mynydd.</li><li>• Eu bod yn canolbwyntio ar yr ardal rhwng Pen yr Ole Wen a Chapel Curig yn y lle cyntaf ac wedyn ymestyn i weddill y Carneddau</li><li>• Bwriedir cynnal gynhadledd ym Mhlas Tan y Bwlch yn niwedd Tachwedd</li><li>• Gan nad oedd ganddynt gyllideb eu bod wedi gofyn os y byddai'r clwb yn fodlon darparu ychwaneg o arian iddynt er mwyn hyrwyddo eu gwaith yn arbennig trefnu y gynhadledd</li></ul>

	<p>Cytunwyd</p> <ol style="list-style-type: none"> <li>1. Cadarnhau y penderfyniad a wnaed gan y swyddogion i roi swm o £275 i'r prosiect ac cytuno i roi swm pellach o £250 i drefnwyr y prosiect</li> <li>2. Wrth roi'r arian dylid gofyn iddynt sicrhau eu bod yn cadw mantolen ac yn adrodd yn ol i'r pwyllgor ynglyn a sut y maent wedi gwario yr arian a dderbyniasant.</li> </ol>	
<p>4</p>	<p><b><u>TAL AELODAETH</u></b></p> <p>Adroddwyd</p> <ul style="list-style-type: none"> <li>• Bod CMP bellach wedi cadarnhau y byddent yn cynyddu'r taliadau a wneir gan glybiau ar ran eu haelodau o'r £11.95 yr aelod presennol i £13.25</li> <li>• Roedd yn rhaid i'r pwyllgor ystyried os oedd angen ystyried cynyddu y tal aelodaeth presennol o £15</li> <li>• Mater i'r Cyfarfod Blynnyddol fyddai awdurdodi codi'r tâl aelodaeth a byddai'n rhaid i'r pwyllgor felly wneud argymhelliad ar hyn i'r cyfarfod ym mis Tachwedd</li> <li>• Yn y drafodaeth ar hyn roedd yna deimlad y dylid ystyried codi y ffi i swm o £20 a fyddai yn golygu wedyn na fyddai'n rhaid ei adolygu eto am gyfnod sylweddol</li> </ul> <p>Adroddwyd gan GR</p> <ul style="list-style-type: none"> <li>• Bod angen ystyried os y gellid defnyddio y drefn o dderbyn taliadau drwy Debyd Uniongyrchol a fyddai yn fwy hwylus ond byddai angen amser i sefydlu hyn.</li> <li>• Ei fod yn dal i wneud ymholiadau i'r posibilrwydd o gofrestru'r clwb fel corff elusenol hefo'r HMRC fel y gallai'r clwb dderbyn ad-daliad rhodd cynorth ar gyfer pob aelod.</li> </ul> <p>Cytunwyd</p> <ol style="list-style-type: none"> <li>1. Argymhell i'r Cyfarfod Blynnyddol y dylid codi y tal aelodaeth i £20</li> <li>2. Dylid gwneud mwy o ymchwil i'r posibilrwydd o sefydlu trefn i dderbyn tal aelodaeth drwy Debyd Uniongyrchol.</li> <li>3. Os na fyddai'n ymarferol gwneud hyn erbyn dechrau 2015 ar gyfer taliadau 2015 gellid hepgor yr angen i godi y tal aelodaeth am flwyddyn tan 2016 (yn sgil y ffaith fod gan y clwb swm o arian wrth law yn ei gyfrif banc) er mwyn caniatu amser i sefydlu y drefn newydd</li> </ol>	
<p>5</p>	<p><b><u>CYNLLUNIO RHAGLEN WEITHGAREDDAU'R CLWB</u></b></p> <p>Adroddodd EO ei fod yn dechrau trefnu rhaglen weithgareddau am y cyfnod Rhagfyr i Mawrth 2015.</p> <p>Roedd trefnu gweithgareddau dringo yn ystod y gaeaf wedi bod yn broblemus oherwydd problemau hefo'r tywydd. Roedd yna hefyd broblem o gael unigolion i arwain gweithgareddau dringo ac yn rhywbeth y byddai'n rhaid i'r pwyllgor ystyried os am eu cynnwys yn yr rhaglen ar gyfer yr haf. Efallai y byddai'n rhaid meddwl talu i arweinydd proffesinol dros gyfnod yr haf?</p> <p>Oherwydd bod sawl aelod wedi gorfod canslo oherwydd amgylchiadau personol rhagwelir y byddai'r clwb yn gwneud colled ar y penwythnos a gynhaliwyd yn Ardal y Llynnoedd yn ddiweddar.</p> <p>Cytunwyd</p> <ol style="list-style-type: none"> <li>1. Dylid cael wythnos yn yr Alban ym mis Chwefror ar y rhaglen eto</li> <li>2. Dylid cael noson gymdeithasol ar 25 Hydref yn Nant Gwynant</li> <li>3. Gyda gweithgaewddau dros y Nadolig byddai RD yn trefnu taith ar 27 Rhagfyr ac y dylid cael taith i fyny y Wyddfa ar ddydd Calan hefyd</li> <li>4. Nodi na fydd yn bosib cynnal gweithgareddau yn Rhyd Ddu ym mis Ionawr eleni gan fydd y ganolfan ar gau</li> </ol>	

6	<p><b><u>CYFARFOD BLYNYDDOL 2014</u></b></p> <p>Adroddwyd ar y bwriad i gynnal y cyfarfod blynyddol yng ngwesty Fictoria, Llanberis ar nos Sadwrn 22 Tachwedd 2014 gyda Dr Gwyn Roberts, Deiniolen i fod yn wr gwadd.</p> <p>IR i sicrhau pa offer y byddai angen ar gyfer y noson</p> <p>Dylid nodi fod RD yn sefyll i lawr fel Cadeirydd ar ddechau y cyfarfod ac y byddai RR yn cymryd drosodd fel y Cadeirydd newydd.</p>
7	<p><b><u>AELODAETH Y PWYLLGOR</u></b></p> <p>Cytunwyd y byddai IPR yn sefydlu pa aelodau presennol o'r pwyllgor oedd yn barod i barhau i wasanaethu arno a pha rai oedd yn dymuno gorffen. Cytunwyd hefyd y dylid cysylltu hefo rhai o aelodau eraill y clwb i weld os yr oeddynt yn barod i fod ar y pwyllgor.</p> <p>Nodwyd fod SS wedi cytuno i fod yn Is-Gadeirydd</p>
8	<p><b><u>CHWALU CARNEDDI</u></b></p> <p>Adroddodd RD y sylwyd wrth fynd o gwmpas mynyddoedd Eryri fod yna nifer sylweddol o garneddi newydd a di-bwrpas i weld yn ymddangos, Roedd yna amheuaeth os oedd angen cymaint ohonnynt ac roedd pobl i weld yn cribo'r lle i godi caer o beth, gan ddinoethi'r pridd a chreu erydiad posibl.</p> <p>Cytunwyd y dylid cysylltu hefo Awdurdod y Parc Cenedlaethol a'r Ymddiriedolaeth Genedlaethol (fel un o brif tir feddianwyr yn yr ardal) i weld beth oedd eu teimladau hwy am y sefyllfa ac yn gofyn, os yr oedd ganddynt yr un pryderon, os y gallasai y clwb fod o gymorth iddynt i geisio datrys y broblem.</p>
9	<p><b><u>LLYFRYN MYNYDDA</u></b></p> <p>Adroddodd EO eu bod wedi bod yn trafod hefo Myrddin ap Dafydd ynglyn a'r posibilrwydd o lyfr swmpus safonol yn y Gymraeg ar fynydda gael ei ghoeddi</p> <p>Roedd MaD yn credu fod yna farchnad i lyfryn o'r fath ond y byddai angen swm o arian £1K-£2K i'w galluogi i symud ymlaen</p> <p>Yn y drafodaeth ar hyn roedd yna deimlad bod yna le i gyhoeddi llyfryn o'r fath</p> <p>Cytunwyd</p> <ol style="list-style-type: none"> <li>1. Gofyn i EO gael sgwrs pellach hefo MaD i roi fwy o gig ar beth fyddai ynghlwn a chynhyrchu llyfryn o'r fath.</li> <li>2. Dylid gofyn iddo hefyd os yn bosib gwneud cais i Gyngor Llyfrau am grant tuag at y gost o'i gyhoeddi.</li> <li>3. Os ddim yn bosib cael cymorth ariannol yna byddai'n rhaid dod a'r mater yn ol i'r pwyllgor gyda'r posibilrwydd o'r clwb allu roi cefnogaeth ariannol i'r prosiect</li> </ol>
10	<p><b><u>OFFER</u></b></p> <p>Trafodwyd y sefyllfa gyda offer y clwb.</p> <p>Cytunwyd</p> <ol style="list-style-type: none"> <li>1. Gofyn i Arwel i weld os y byddai'n barod i ddal gafael ar offer y clwb</li> <li>2. Gofyn i GR archebu 4 lloches newydd</li> <li>3. Dylid ystyried defnyddio y Wefan i gofnodi gan pwy yr oedd offer y clwb yn cael ei gadw</li> </ol>

11	<p><b><u>Y FFORWM</u></b></p> <p>Adroddodd SS ar ei pryderon nad oedd llawer o ddefnydd i'w weld yn cael ei wneud o'r Fforwm ac o ganlyniad roedd ei effeithiolrwydd yn cael ei gwtogi.</p> <p>Cytunwyd</p> <ol style="list-style-type: none"> <li>1. Dylid atgoffa yr aelodau yn y cyfarfod blynyddol i wneud defnydd o'r fforwm</li> <li>2. Dylid cael neges atgoffa arall allan i'r aelodau yn rhoi mwy o wybodaeth am y fforwm</li> <li>3. Byddai EO yn meddwl am ffyrdd i hyrwyddo y fforwn e.e trwy annog arweinyddion teithiau i roi manylion am eu teithiau ar y fforwm</li> </ol>	
12	<p><b><u>CYNGOR MYNYDDA PRYDEINIG</u></b></p> <p>Dim penodol i'w adrodd.</p>	
13	<p><b><u>PARTNERIAETH AWYR AGORED</u></b></p> <p>Dim penodol i'w adrodd.</p>	
14	<p><b><u>CYFARFODYDD NESAF Y PWYLLGOR</u></b></p> <p>Cytunwyd y bydd y cyfarfod nesaf yn cael ei gynnal yn ystod mis Ionawr ar ôl un o deithiau'r clwb ar ddydd Sadwrn</p>	